

NGA HUI O TE HAHĪ.

No Pepuere nei i tu ai te hui o te Hahi Maori o te takiwa o Heretaunga, i te Pihopātanga o Waiapu, ki Porangahau. I reira te Pihopa me nga minita tokorima, hui atu ki nga mangai reimana tekau ma waru.

I puta nga kupu whakamihi mo te whaikorero a te Pihopa. I whakaatu te Pihopa i te take nui o te hui: he tiroiro i nga mate o te hahi, i nga mea e ngoikore ana, a he kimi tikanga hoki hei rongoa mo aua mate. He tohu no te whakapono ngoikore, ngutu-kau, no te karakia whakauaua, nga whare-karakia paru, pakaru, te kore o nga tamariki e whakakona i nga Ratapu, te kore kaore e kakama te karakia i roto i nga whare-karakia. He aru no te tangata i nga whakahaunga a 'Nehe Hatana' i panuitia i te NAMA 21,] he kore hoki kaore e tango auau i te Hapa a te Ariki.

Kotahi tekau nga motini i whakaetia, kua tūhūhia ki te pukapuka, otira te mea nui e whai tikanga ai te motini kia whakatutukitia. Tena koa ka pehea te mutunga o tenei motini, "He ki tenei ki nga minita Maori, me nga tangata o te Hahi, me mutu te haere ki nga tohunga Maori. He mea hoki tera e heke haere ai te whakapono. Engari me pelhi te katoa i aua mahi maori." I whakaaro matou e kore rawa e riro ma te hui e tohutohu nga minita, me nga tangata o te Hahi kei tautoko i nga tohunga Maori, e tino marama ana hoki te whakahe a nga Karaipiture i nga mahi maori.

I whakaritea ko Remuera te Urupu hei reimana Maori ki te Hinota o te Pihopātanga, mo te pootitanga a Hurae nei. Ko te hui a tera tau ka tu ki Whakapaui, i te takiwa o Mohaka tae atu ki Nukutaurua.


No Maehe ka tu te hui o te Takiwa o Tauranga ki Maketu; i reira ano te Pihopa, nga minita tokoono, me nga mangai reimana tekau ma wha. I mua-upoko tonu o te whaikorero a te Pihopa tona tino kupu. I mea ia, "I maha ai nga raruraru e pa nei ki te tangata, he wareware nona ki tona Kai-hanga, he whakaparahako ki tona Kai-whakaora, ki a Ihu Karaiti." I mua atu o te whawhai a te Maori raua ko te pakeha i tahuri te Maori ki te whakapono, no muri mai ka potatutatu te whakaaro, ko te takahanga a etahi iwi i te whakapono otira, kua timata te hoki mai. [Ina hoki kei Awherika te whawhai kei te potatutatu noa atu te whakaaro o etahi tangata i konei, ki ta ratou hiahia me korero whawhai anake he korero mo 'Te Pipi,' ko nga korero whakapono hei aha.]

E 21 nga motini i whakaetia. He motini ano i ahu mo te whakaako i nga tamariki i nga Ratapu; mo te pelhi i nga mahi tohunga Maori, i te kai waipiro, i nga kanikani pakeha me te haka Maori. I motinitia ano hoki kia timata te kōhi mōhi hei whakahoki i te wero a Atirikona Hamiora Wiremu kia whakanuia nga oranga minita. I whakataua kia tu te hui a tera tau ki Rotorua.



NGA RONGO WHAKAMUTUNGA.

E whakaturia ana e te Kawanatanga he kura mabi a-ringa hei whakaako i nga tamariki Maori ki te Tai-rawhiti, ki Hokianga ki Wai-kato. Tera e tu to te Tai-rawhiti ki Taumata-o-Mihi, Waiapu, i te mea kua tapaea noatanga atu e Eruera Kawhia he whenua ki te Kawanatanga. Kia ora te Kawanatanga!



NGA TIKANGA O TE PIPIWHARAURAO.

I. Ki te tuhi mai ki te Pepa me penei—
TE ETITA O TE PIPIWHARAURAO.
TE RAUKAHIKATEA,
KIHIPANE.

Kāua rawa e tuhia te ingoa o tetahi tangata

II. Kotahi putanga o te Pepa i te marama, hei te wiki whakamutunga.

III. Ko te utu o te Pepa e rima hereni (5/-) mo te tau.

IV. Ko nga moni katoa e tukua mai ana ki Te Pipiwharaurao, me nooti o te Poutapeta; otira ki te kore o taea tena, e pai ana ano te tuku mai ki te pane-kuini, engari hei nga mea kotahi kapa.

NGA HUA KAREAO MA TA TATOU MANU.

£1 ss. Rev. H. P. Haata. £1. Mrs Grant. 5/- William Phillips, Ngawari, Paia Rakau, Nikorua Popatara, Mr. McDonald, Moka Tino, Hawiri Wahapu, Waikura Taatui-o-rongo, Komene te Ito, Hakarua Pakeha, Aperahama Kenata, Riripotaka Wikiriwhi, Te Rere Paipa, Pirika Hape, Henare Werahiko, Horomona Parauru, Eruei Hohupa, W. Tamapareka, Aporo Paerata, Tiwini Poharanga, Rotu Tates, Harata Tangihare, Wiremu Karaka, Rev. A. Rangitane te Kuru, Napoleon Heta, Mihuere Koura, P. Waiapu, Repiha, Hira Paea, 3/- Mr. Downey, 2/6 Tiopira Paerata, Hori Teihi, Huroa, Hohahi te Houa, Mr. Logan, Harowe Teri, Kare Hataraka, Timiwa Whatanui, Apirana Pahina. 2/- H. Rangitua, Hori te Ariki, Henare te Maitre, Tuhaka.